



SAKSFRAMLEGG

Sakshandsamar: Jan Erik Boge	Arkivkode:
Arkivsaksnr: 21/823	Løpenr: 21/9374
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	02.12.2021	110/2021

Oppstart av arbeid med plan for å førebyggja omsorgssvikt og åtferdsproblem

02.12.2021 Kommunestyret:

Handsaming i møtet:

Rådmannen sitt framlegg til vedtak vart samrøystes vedteke.

KS- 110/2021 Vedtak:

Rådmannen får ansvar for å utarbeida plan for å førebyggja omsorgssvikt og åtferdsproblem, jf. kravet som blir i innført 01.01.2022 i barnevernlova § 3-1 andre ledd. Rådmannen avgjer korleis arbeidet skal organiserast og leggjast opp, men aktuelle tenester i kommunen må involverast i arbeidet. Også frivillige lag og organisasjonar og andre relevante aktørar bør involverast.

Dersom det vert nødvendig med løyving av ekstramidlar for å få gjennomført planarbeidet, må det leggjast fram sak for kommunestyret om dette.

Statusrapport for arbeidet skal gjevast til formannskapet i løpet av første halvår 2022.

Framlegg til plan skal leggjast fram for handsaming i kommunestyret innan 31.12.2022.

Rådmannen sitt framlegg til vedtak:

Rådmannen får ansvar for å utarbeida plan for å førebyggja omsorgssvikt og åtferdsproblem, jf. kravet som blir i innført 01.01.2022 i barnevernlova § 3-1 andre ledd. Rådmannen avgjer korleis arbeidet skal organiserast og leggjast opp, men aktuelle tenester i kommunen må involverast i arbeidet. Også frivillige lag og organisasjonar og andre relevante aktørar bør involverast.

Dersom det vert nødvendig med løyving av ekstramidlar for å få gjennomført planarbeidet, må det leggjast fram sak for kommunestyret om dette.

Statusrapport for arbeidet skal gjevast til formannskapet i løpet av første halvår 2022.

Framlegg til plan skal leggjast fram for handsaming i kommunestyret innan 31.12.2022.

Dokument som er vedlagt:

Utdrag fra Prop. 133 L 2020-2021

Buudir - tenestekatalog for hjelpetiltak

Presentasjon Bjørnafjorden kommune - Førebuing av barnevern- og oppvekstreforma

Dokument som ikkje er vedlagt:

- Barnevernlova
(<https://lovdata.no/dokument/NL/lov/1992-07-17-100>)
- Lov om endringar i barnevernlova
(<https://lovdata.no/dokument/NL/lov/2021-06-18-96>)

Kva saka gjeld:

Frå 01.01.2022 blir det innført eit krav i § 3-1 i barnevernlova om at kommunestyret sjølv skal vedta ein plan for arbeidet til kommunen for å førebygga omsorgssvikt og åtferdsproblem. Ordlyden i § 3-1 vert frå 01.01.2022 som følgjer:

§ 3-1. Kommunens og barneverntjenestens forebyggende virksomhet

Kommunen skal fremme gode oppvekstvilkår gjennom tiltak for å forebygge at barn og unge utsettes for omsorgssvikt eller utvikler atferdsvansker. Kommunen skal sørge for å samordne sitt tjenestetilbud til barn og familier.

Kommunestyret selv skal vedta en plan for kommunens forebyggende arbeid etter første ledd. Planen skal beskrive hva som er målene for arbeidet, hvordan arbeidet skal organiseres og fordeles mellom etatene i kommunen, og hvordan etatene skal samarbeide.

Barneverntjenesten har ansvar for å gi hjelp, omsorg og beskyttelse når det er nødvendig på grunn av barnets omsorgssituasjon eller atferd. Ansvarer omfatter tiltak rettet mot barnets omsorgssituasjon eller atferd.

Barneverntjenesten skal sette inn tiltak tidlig for å forebygge alvorlig omsorgssvikt og atferdsvansker.

Planen skal innehalda ei beskriving av:

- overordna mål og strategiar for det heilskaplege tenestetilbodet
- korleis ansvaret skal fordelast mellom etatane
- korleis oppgåveløysinga skal organiserast
- korleis ulike etatar skal samarbeida

Dette vil bidra til ei overordna forankring av det førebyggjande tilbodet og fordelinga av ressursane i kommunen til dette arbeidet. Det vil dessutan vera eit viktig verktøy for å sikra forpliktande og systematisk innsats for å leggja til rette for heilskaplege tenester til barn og unge.

Planen for arbeidet til kommunen retta mot barn og unges oppvekstvilkår, skal kunna inngå i dei ordinære prosessane etter plan- og bygningslova. Formålet med å utarbeida ein slik plan er å få kommunane til å tenka heilskapleg om tenester og tiltak og førebyggjande arbeid i heile kommunen.

For å sikre eigarskap og forankring av planen blir det tilrådd at representantar frå alle tenester i kommunen medverkar i utarbeiding av planen gjennom å delta i innspel møte og/eller prosjektgruppe. I tillegg bør ein invitere inn frivillige organisasjonar og lag, samt andre relevante aktørar. Det er formålstenleg at det vert sett ned ei prosjektgruppe/arbeidsgruppe som kan jobbe med planen.

Det blir tilrådd at det blir sett av tid til ein god prosess der det blir jobba med kartlegging, forankring og analyse av det tilbodet/dei tiltak kommunen allereie har, og det kommunen treng. Her blir det viktig å involvera dei sentrale aktørane på dei ulike områda. På bakgrunn av dette kan vi oppfylle lovkravet om å ha ein plan som svarer ut med det innhaldet som blir forventa. Det vises til vedlegg

frå Bjørnafjorden kommune og korleis dei har jobba med kartlegging. Dette kan vera ei fin oppskrift å følgja i kartleggingsarbeidet.

Utarbeiding av planen vil medføre kostnader i form av frigjering av personell til deltaking i arbeidet med planen og kostnader til å dekke kurskostnader og materiell. I implementeringsfasen må ein pårekna at det vert nytta ein del ressursar til blant anna samarbeidsmøte, kurs, og innhenting av informasjon og kunnskap på området.

Så langt er det ikkje laga ein eigen mal eller rettleier for arbeidet med planen, men tenestekatalogen for hjelpetiltak omtaler planen frå side 6. Tenestekatalogen følgjer vedlagt.

Andre aktuelle lenker:

- Informasjonsside Bufdir om endringar barnevernsreforma
(https://bufdir.no/Barnevern/reform/de_konkrete_endringene/andre_endringer/)
- Prop. 133 L (2020-2021) - Lov om barnevern (barnevernsloven) og lov om endringer i barnevernloven
(<https://www.regjeringen.no/no/dokumenter/prop.-133-l-20202021/id2842271/>)
- Veileder for tilstandsrapportering til kommunestyret
(https://www.bufdir.no/fagstotte/produkter/tilstandsrapportering_for_kommunale_barne_vernstjenester/)